


周忠惠公年譜

傳675.57
776



周志惠公自

1

同治壬申歲仲夏敬刊

周忠惠公

年譜

板存澄邑三都金
沙鄉書屋

海澄周忠惠公自叙年譜

裔孫 憲章 慶年 敬錄

穆宗隆慶六年壬申四月廿八日午時生母臨產之

前一夕祖母望見室內有火光

神宗萬曆元年癸酉二歲命名大父因頒曆至遂以

名

二年甲戌三歲

三年乙亥四歲

四年丙子五歲

五年丁丑六歲從大父任盱江訓導羅近溪先生與大父交厚從旁侍立教以弟子之禮

六年戊寅七歲府君至盱江得疾不治號痛執禮

七年己卯八歲 八年庚辰九歲

九年辛巳十歲

十年壬午十一歲從大父任惠安諭學文藝大父奇之

十有一年癸未十二歲

十有二年甲申十三歲

十有三年乙酉十四歲

十有四年丙戌十五歲大父陞儋州學正大父不就問曰汝意何如對曰大父九應試五副榜平生窮經而限一第今不如歸教子勝於升斗折腰也大父遂致仕歸

十有五年丁亥十六歲

十有六年戊子十七歲

十有七年己丑十八歲娶郭氏

十有八年庚寅十九歲

十有九年辛卯二十歲

二十年壬辰二十一歲

舉一子

二十一年癸巳二十二歲

二十二年甲午二十三歲子三歲而殤郭氏自此

痛子不再孕

二十有三年乙未二十四歲

二十有四年丙申二十五歲始入泮先是同里柯

侍御立台先生擬取製義觀曰此吾輩裏人也奈

何尚困芸窓乎決其必發

二十有五年丁酉二十六歲觀風取首得觀場忽

母氏有疾不治哀痛亦染重疾夫妻並臥病落

神人曰井水可愈因多飲水夫婦並愈

二十有六年戊戌二十七歲守道俞養弘公士章聘

入署為乃子筆削制義

二十有七年己亥二十八歲

二十有八年庚子二十九歲宗師臨漳禪服已滿

友勸曰即刻起文明早入試可省補考之苦且補

考多是三等對曰不敢以一時之便而成終身之愧也遂不起文大尹龍清白公國聞而擊節

是年文宗補考竟取入闈發解先場事畢即歸

家家中得捷報龍大尹來顧出語人曰適見周

君並無喜色當是遠器本房師蕭雲來公應楚

名士大座師朱平涵公國後拜相副主考吳本

如公用後官總督

二十有九年辛丑三十歲會試中式出餘姚孫鑑

湖先生如之門登張以誠榜進士孫師薦於當

國謂可充庶常之選當事曰並不見來謁是年

銓選浮梁知縣而大父復菴公以五月疾逝教

育之功未及一訣痛哉

三十年壬寅三十一歲就任

三十有一年癸卯三十二歲修浮梁縣志諸生公

呈范文正公蒞饒時建雙溪書院至萬曆壬午

年為附近大姓偽帖所據因謂大姓侯孝廉新

曰文正公以已宅為蘇州學宮君豈可占其書

院以為私乎捐俸贖以甯之一時屈于公論退

還青衿然從此心銜矣有某姓者亦以投獻事
相拂從中主使

三十有二年甲辰三十三歲

三十有三年乙巳三十四歲調繁南昌士民號泣
載道攀留不能得囊無餘貲惟圖書數卷所餘
之贖盡以置學田修書院南昌有房攤稅充工
食下至吏役皆免唯傭販出月錢條陳蠲之查
堪動銀以抵歲免二千餘金有布衣章先生潢
者延為大賓章特重乞言之禮人稱為曠事進

賢解金花被盜寧都縣庫銀被盜盜並匿會城
俱密覺擒治贓銀全獲

三十有四年丙午三十五歲

三十有五年丁未三十六歲

三十有六年戊申三十七歲行取擬授禮部候考
選贖鍰不敷積穀上司例有贖盡以補倉庾之
數

三十有七年己酉三十八歲

三十有八年庚戌三十九歲考選候評事挾清書

院之恨上疏指文正公書院為胡元書院不宜
清復吏部臺省交章劾之是時遂不進考家宰
孫公正揚曰周主事不考則評事重處考則評事
姑罰俸江右縉紳共言父母必行其志是彰做
省子民之不肖也乃考授湖廣道御史是年庶
王生子彥陞

三十有九年辛亥四十歲

四十年壬子四十一歲授職會攻東林道學之議
起徐侍御兆考劾涇陽先生因詆羅近溪之偽

及追論楊龜山所創東林書院之非因駁之大
犯時忌

四十有一年癸丑四十二歲巡漕凡先年阻凍之
舟是年十月盡起運到倉漕白原分為二每二
年先後編為號序魚貫而行自本年始

四十有二年甲寅四十三歲方冲涵從原起掌院
中旨改為吏部侍郎又孫蘭石璋總憲以勘熊
廷弼事被逐濮琢如中以清介被阻考選先後
盡言劾銓宰奉旨罰俸是歲差陝西巡按途

同治元年普

周忠惠公年譜 卷一
中稱病奉繳 勅印 予回籍

四十有三年乙卯四十四歲建 贈君祠以三百

五十金充建公祠公半地為 贈君祠另費約

四百金造旁地丈餘買之美叔者是年購地葬

祖考妣于西田約費五百金

四十有四年丙辰四十五歲漳饑攘米四起無敢

販米者建議各保稍富俱糶米三日米價遂平

四十有五年丁巳四十六歲出為桂下道參議是

年庶王又生子彦基

四十有六年戊午四十七歲赴任會柳慶大荒斗

米四錢餓莩載道盜賊蜂起監司府縣皆甘罷

去無肯署印者方伯是時亦缺藩司別無員舍

司印而請就柳州言于兩院曰荒盜亟告先急

救荒而徐議弭盜于是請預支次年兵餉之半

分官買米水陸立兵民遞運法即以米給其糶

所過之地凡夫馬兵徒工食皆以米支給候扣

工食抵庫有饑民求食即令保甲編號運米逐

日給米於是兵民護官米不異已米猺獠賊夾

岸揭竿而行竟不敢肆搶復隨在設粥廠全活頗衆然後密除劇盜之不就撫者鵬勦數渠魁地方以寧撫院林公慶薦疏有全活數萬命保全十餘城之句顧單騎冒風霧少飲食染瘴疫垂絕民皆為祈祝弘臺許公綱曰民之所祝天必祐之果愈

四十七年己未四十八歲

四十有八年即光宗泰昌元年庚申四十九歲進天啓登極表陞四川副使未任值奴破遼城

臺省議留邊道奉旨留用加參政銜新設通

州道值各省募兵出關又失廣寧潰兵散歸分布節制撫鎮監司率被兵鼓譟以去有客兵田景坤等擁衆相殺督兵緝拏首兇解治正法近畿地方安堵後凡客兵過通無一敢譁者公費歲五百金辭不支是時募新兵並議安家八兩通州只給衣甲銀二兩候出關找給是以錢糧無冒破

天啓元年辛酉五十歲庶趙生子彥奎

二年壬戌五十一歲

三年癸亥五十二歲陞太僕寺少卿安御史仲奏

以京卿銜留候代奉 旨留候交代尋陞應天

巡撫右僉都御史一縷一器不取民間新任有

帳被椅褥等項發出有司謂已製成不便還舖

乃查原價支俸薪銀發葉知縣成章散給不動縣

庫

此公械繫途中所述書此遂絕筆蓋自安罪人之義撫吳以後之事不敢言矣蘓郡諸生

王煥如拭涕為公補次公自叙止書年以後事繁仍係以月

三月到任蘇州謁 文廟升倫堂開講畢傳諭

諸生中有習知典故者可出班答應學官以王

煥如對公呼與語大悅引之同登六經閣登道

山弔春雨采芹二亭故址瞻拜胡安定范文正

名宦鄉賢四祠時學宮頽廢安定祠全圯木主

淋漓雨露中公咨嗟久之立發公帑大脩 廟

學并建安定祠 四月 請裁織造濫額叅織

監李實又疏報地震陳言脩省 五月禮聘生

員王煥如纂脩蘇州府學誌又疏申明織造旗
尉衣段之濫宜減從舊制 七月定州縣錢糧
繇單之式俾小民共喻吏胥不得那移增減疏
報安插飄舟倭夷無罪待以不死又疏裁濫設
欽依武弁 八月疏叅李實拘害民丁萬程
等充匠 上不聽仍着該監行拘 九月計擒
造謀不軌首惡陳鼎相 十月疏叅李實濫取
料銀踰額四萬誣陷蘇州同知楊姜非法 上
以撫按偏護屬官下旨切責楊姜仍着提究

十二月再申救楊姜奉 旨楊姜革職為民周
起元照舊供職

四年甲子年五十三歲正月疏報地震 請求直
言極諫之士是月命蘇州教授劉民悅脩 文
廟祭器樂舞器脩唐蘇州刺史常公應物祠
二月再疏為楊姜白寃 上怒 三月蘇州府
城內河涸現湖石高丈餘豹文蜂腰公見而奇
之集夫昇岸安置府學名曰瑞石命教授劉民
悅作銘勒石是月准部議開鑄錢廠命蘇州同

知王洵鎮江通判周霖兩董其事 五月疏報
江南水災得 旨行勘 六月再疏報江南災
荒 請行蠲賑奉 旨該部酌議 九月又疏
告江南災傷之苦 十月檄行所屬盡免查盤
招坐贓贖借支餉銀差官江右楚地買米積貯
蘇州平糶濟飢 十一月疏議被災地方分別
改折是月聞長洲布衣錢允治之喪憐其無子
捐公費為之營葬檄召生員王煥如簡其遺編
呼族屬領價攜卷帙置蘇州學宮會煥如卧病

不果 十二月疏上漕糧改折均平之議檄行
蘇松等府動支積穀折銀為明春飢民飼粥隨
地設廠又疏指蘇松道臣朱童蒙求去之因奉
旨周起元排擠正人削籍

五年乙丑年五十四歲正月公野服出署回籍
四月抵家

癸亥以後欲詳其獲罪之因故書月丙寅則
書日蓋公之罹禍命懸一線以日為歲也王
煥如執管而弟起龍崩涕口述書畢而相對

慟絕矣

六年丙寅年五十五歲正月漳州府城南文昌橋久
圯有關闔郡形勢公與太常王公志道倡議董脩是
月李實疏奉公逆璫魏忠賢即矯旨差錦衣官
旗逮問二月二十八日展拜祖祠夜宿祠中夢
北獄大興自亦被逮備極刑楚寐中大呼汝專權
矯詔擅用酷刑凌辱忠良欺我

皇上耶時子彥陞卧側急喚醒公曰我將逮
矣須臾又夢一神進謁不言何故但以指書公

掌上去復轉顧囑公自審詩曰密語渡君家龍

飛長碧霞夢中非妄想急早煉丹砂公覺亟語

子曰璫勢薰天國家尚未可知何況臣子然

死生有命神先告我安之而已汝其勿泄爾時未聞

報速三月二十八日逮問旨到公入公署候

逮四月三十日緹騎至漳公慨然就道闔郡

士民爭醵金錢助緹騎需索之費及檻車行費

五月初六日開讀公稽首告士民焚香聽

旨勿犯緹使初八日啓行六月十六日抵

闕下 十七日入北鎮撫司獄顏色無變是日
旨下不須鞠訊竟以李實參數坐贓十萬 十
九日北司理刑彪惡許顯純高坐謾罵夾敲一
百四十梭敲一百棍打八十公抗辨不屈自後
每五日或三日一比各棍打三十 九月初四
日顯純再加酷刑着所頭取病狀 初十日公
死獄底 十三日 旨下相驗 十四日第起
龍領屍五竅流血胸膛肉破面歪腿足杖夾傷
爛身無寸縷

綿貞周公事蹟

居官

初任浮梁邑人故事以錦章前導悉令撤去餽賀一
切不受日用蔬菜平價給買絕不票取
浮梁景德鎮有陶埏敝屬中官為政奸宄叢集爪牙
肆虐公獨為約束使不得逞商民愛戴
浮梁有里名侈河溪其民負嵎世為寇盜吏莫能捕
下車聞有殺越人于貨廉為洞中蠻設法平之
自浮梁調繁南昌兩地讞獄不詢干請務期得情庭

無寬濫至贖錢盡蠲六載行取歸未嘗有儋石之
置

中使高家權稅于閩縱奸徒漁獵民多罹害激變地
方公時為御史特疏劾而家即肆口誣讎幾于
不免幸荷神宗明聖得保生全

癸丑奉命巡漕凡先年積滯之弊設法催趲依期
于十月運到蘇松等五府糧長白糧兵軍糧一體
編號先後為序每以二年為期公俱冬仲催督到
壩悉免東阻之艱省天津車脚之費又新構倉廩

六十間輪流貯運免露宿之苦洗賃房刁勒之需
糧解感恩建祠通灣尸祝

巡視西域有妖僧樂提陽食椒陰食肉假稱活佛吃
椒誘惑男女一方騷動密訪緝拏供吐正法都中
稱快

巡撫時蘇州織造袍段原有額派織監李實欲加
徵四萬兩既已題叅實又欲以袍船包載客
貨勒增一隻嚴拒不允

戶工二部移咨鑄天啓通寶預支鎮江府兵餉銀二

萬五千兩分發委官開局計得贏利二千五百兩
卽具文以一千兩助遼以一千五百兩助大工
前撫王公象恒病故欠本衙門解額四千金節省公費
等項代為補解

居鄉

宦達後居鄉先後不過三四年日與親朋告誡及嚴
諭僕役不得開罪鄉閭一切投獻非法之事掩耳
不欲聽丁巳予告在籍有酒徒酣醉突入書室
笑而遣之縣官聞而拏究仍為解釋

海澄在漳郡之東南邑有圭嶼砥峙中流為一郡咽喉
羅星之勝前守羅公以形似浮尸築城以肖負
圖之義後因有力者撤去其山為人採石日就崩
壞公捐貲鬻之禁開掘挿松蔭仍陳之有司倡建
浮屠復舊城并議設兵防守以據要津屹為漳南
重鎮海澄自開邑鄉紳無有腰金者建塙築城以
來黃蓋相望實為文士開地靈

乙卯歸里時值歲荒米價驟湧飢民攘袂而起富室
閉糶閩郡惶惶公建議令富室照依上中下戶各

出米若干定價分設各坊平糶先出米以為人倡
一時人心始安而賈舶尋至價亦就減全活甚眾
祖祠海濱為洪水浸圯出三百餘金為之鼎新復以
餘地建贈公祠仍以四百金購地葬大父于鄉之
西田
漳郡西水直流東下恃詩浦沙洲攔抱但沙淺水勢
怒奔形家以為不利特請之當道倡先勸義築磯
以障之浹月功成一郡永賴

被建

聞報之時按括簪珥酒器不滿百金鄉中長老子弟
咸嗟泣旁皇相率訴于撫按道府置櫃四城門釀
金錢為助城闈之履相踵有手持數金來投不書
姓名者有窮巷老嫗脫釵簪質錢赴義者有傭夫
為人肩輿得直數十文亟納櫃仍舁輿以去者緹
騎之費賴以支持時義士有叩關歌告眾公聞
而止之曰累臣獲罪于朝何可以鄉閭之誼致
干重譴

闔郡士紳咸日趨候公稱寃有蔡侍御梅巖公正直

為漳紳領袖老病不能起昇輿至堂向公號哭曰
子屢犯政府為民抗璫以報 國家養士之恩得
死所矣恨吾老不能從甘與同刑公謝曰當出疏
時知有今日無悔也毫無戚容即出舍赴府候逮
眷屬有涕泣者即揮之公長子未弱冠仲季俱孩
提依依膝下公摩其頂曰汝父不及教育汝惟依
所親以期成立別無滴淚環觀者莫不歎服
緹騎至時百姓闕塞街衢嗟歎忿激欲攻緹使公長
跪請曰臣子事君身非已有雷霆雨露莫非 君
恩鄉里愛我豈可陷我不法耶衆意始解

就道時紳士耆民以及童姬相率追送者數千或越
郡或踰省有持錢為緹騎犒贈願保周中丞者號
慟連天仍作使君歌感動緹使

速行後闔郡士民於各庵院供佛飯僧合掌頂禮祈
公生還

扶襯南歸途中士民莫不路祭悲號是時漳郡久苦
亢旱襯既入門甫成禮畢即陰雲四合大雨傾注
聞者咸謂公沈寃上千天怒得歸首丘甘霖兆應

必邀 褒卹之隆矣

被逮家書

途中寄兒彥陞

我今當患難而自反無大過。聖明開放。或有可望。毋過煩念。汝母多憂慮。時寬解。諸庶母。勸各和氣。視之如一事。之如一。毋分別念。以致兄弟彼此之心。婦人見識粗淺。有未亮者。從容以誠意導達。自然和睦。此古人所以重齊家之化也。汝兄弟三人。汝居兄長。兩弟尚孩。當以兄道兼父道教誨。而誘勸之。事事秉公相讓。友可以致恭也。故張公藝九世同居。惟一忍。

字可効。須當幼引其讀書。不可招匪人以陷其身于不善。我自筮仕以來。又未有疏于宗族。自古宗族喜樂相同。患難相關。汝當一一親厚。時時相詢訪。惟辦一片真心。勿泛泛耳。出事師友。宜盡心受教。不可忘藥石之至言。吾鄉有一二名公。惜汝學未成。未堪拜受。速奮志勉學。不患無師資也。汝生世富貴。多用任氣。今當遭難。亟宜改去。待童僕輩。亦當常訓誨。勿遽怒嗔。今家破。亦無能留蓄矣。人家本當節儉。今汝父在縲絏之中。衣服各用布素。不可着絲。我自出鄉里。途次有知己之人。亦不敢通息。接見。蓋非人情之薄。第此時勢。焰薰天。人人各自危。禍及亦明哲保身。無足怪也。吾鄉人情甚厚。聞報之日。按櫃資助。我進京費。自分文以上。皆大恩也。將姓名記憶。存圖報之心。語言每每道及。相逢即稱感謝。忘之即非孝也。切背後勿言人之不是。我生平在朝。拜多直。然亦奏疏告君。不敢欺。是以居鄉則從未有處于薄者。教汝修身。宜知保身。汝身命甚薄。不可耗費精神。汝自幼溺愛。少督責。自今以後。刻苦為人。敦孝友。以致和順。

原。禮。讓。以。親。師。友。懲。忿。怨。以。消。暴。逆。宗。節。儉。以。培。福。德。練。人。情。以。諳。世。故。感。恩。德。以。圖。報。効。慎。言。語。以。避。怨。尤。戒。嗜。欲。以。保。軀。命。此。數。語。者。可。勒。小。字。帶。之。於。身。以。遵。父。命。兩。弟。亦。以。此。語。時。時。友。誨。勿。泛。常。看。京。師。天。災。疊。見。而。內。璫。殊。不。動。心。豈。肯。歇。手。其。實。皆。外。廩。二。三。宵。人。教。之。也。家。貧。為。累。求。生。非。忠。卽。一。時。緩。湏。臾。之。死。無。益。也。我。途。次。無。恙。詔。獄。後。不。可。知。總。之。聽。天。命。人。事。不。過。自。盡。吾。心。禍。寧。貽。臣。子。沉。寃。毋。累。社。稷。卽。幸。耳。

獄中寄兒

一家禍至此。我死何足惜。乃天命未終。尚延數月。殘喘。與。白。孤。忠。然。豈。易。得。哉。汝。等。亦。為。忠。孝。自。慰。毋。煩。過。慮。第。日。費。已。盡。四。顧。無。親。一。日。未。死。尚。暫。支。持。恐。人。非。木。石。難。以。久。延。耳。苦。寸。心。之。不。白。清。而。受。染。留。身。後。之。大。累。忠。以。蒙。欺。然。我。自。歷。宦。清。白。積。些。俸。錢。今。以。盡。還。朝。廷。亦。復。何。恨。汝。等。無。分。文。之。積。蓄。當。知。艱。苦。居。家。孝。順。顧。諸。弟。妹。萬。勿。拚。棄。汝。母。要。保。養。勿。以。愁。傷。追。賂。之。後。庵。廟。亦。可。棲。身。得。汝。勸。我。保。攝。

寬心之說亦一時相慰。夫我今以待死之身。延難挨
之生。熬刑苦肉。亦說不得。畢在旦夕。誰鑒孤忠。我固
以速死為幸。實生不如死也。今受三百餘棍。步履艱
支。而事意已知矣。吾家內外族戚兄弟之業。為我被
逮。典賣在先。寄來完贖。是我生不能為族榮。死又且
為族累。又恐身沒之後。萬勿板累。以貽我不美之名。
架中書籍。汝兄弟量存數卷。餘俱賣以充二三年門
役之費。薄產尚存一二。俱當報官。不欺朝廷。無愧
耳。仲昌叔苦甚。骨肉誼重。不可不知。主僕之情。皆忠
義可服可愛。亦當銘記。諸親友為我致意。惟有銜結
耳。我一字一淚。汝當知之。後音恐難通。從此幽明永
隔矣。

總理糧儲提督軍務兼巡撫應天等府地方都

察院右僉都御史周

父母

誥命壹道

奉

天承運

皇帝制曰天道譬之酌水或此挹而彼盈懿德等於嘉苗每前樹而後獲惟殿邦之有子豈良士之無年爾贈中大夫河南布政司右叅政周乃總理糧儲提督軍務兼巡撫應天等府地方

都察院右僉都御史 之父篤行性成岐嶷
天縱孝能養志每察色而伺聲學必兼人間漁
墳而畋索與人以為善之利化洽比鄰樹德於
不報之鄉義周死友以爾多隲胡不永年嗟貞
媛矢節於茹荼幸哲胤蜚聲於題柱建旄而搖
蒼佩無競惟人陟岵而賦白華靡瞻匪父言紆
罔極之慕式展不匱之恩亦贈爾為中憲大夫
總理糧儲提督軍務兼巡撫應天等府地方都
察院右都僉御史生也有涯豈乏眉黎之老歿
而不朽永流汗簡之馨

制曰夫婦之倫綦重生死之際難言固有死賢於
生亦有生賢於死惟能以其孤世是能以其夫
存雖匹婦而可旌矧中丞之有母爾贈淑人洪
氏乃總理糧儲提督軍務兼巡撫應天等府地
方都察院右僉都御史周 之母天與貞心
人稱完節當其舞鸞影隻縷燕翼孤白首在堂
黃口在抱婦代子職甘膳皆十指之供母課父
書機杼勤三遷之教未亡人豈惜一死顧所為

者極難藐諸孤克底於成乃樹立之不朽即今
天南之秋肅凜如堂北之霜飛採閨芳已闡柏
舟之烈揚國慶載申蘭檢之褒茲改贈爾為恭
人錫天章之有赫既從子以借榮亮地下之相
從亦對夫而共慰

制

誥

廣

運

天啓肆年貳月拾捌日

之

寶

之

寶

總理糧儲提督軍務兼巡撫應天等府地方都

察院右僉都御史周

并妻

誥命壹道

奉

天承運

皇帝制曰朕周諏四表等於一身惟三吳財賦之區
繭絲良苦乃六朝靡麗之習砥柱為艱必精神
折萬里之衝斯文武作萬邦之憲在師錫命於
國有章爾總理糧儲提督軍務兼巡撫應天等
府等地方都察院右僉都御史周

雄詞不

周忠惠公年譜 卷一
愧科名雅志匪營溫飽始以循良之選持橐中
臺繼以謇諤之英驅車遐嶺起瘠捐而活人隲
厚輯蠻服而保障功高屬遼事之紛紜試利器
於盤錯談笑解兩部之鬪貯腹皆兵單車定諾
道之譁周身是膽爰擢卿月以儲將星衆推較
而賀得人謂可當乎八面朕弄印而問可者俾
建節於三江為國惜財為民興利閭澤竝春風
浩蕩以法糾墨以身率廉攬轡見秋宇澄清綢
繆每豫於苞桑逆豎悉膏於蕭斧裘帶不動徒

御無聲使長江以南半壁有金城之固卽轉漕
而北萬艘無天吳之憂肆廟慶之誕敷宜闡賞
之獨懋旌我國士告於文人茲以覃恩授爾階
中憲大夫錫之誥命於戲 募兵括餉之驛擾
致公帑私橐之罄懸朕既未能罷織造以甦民
吏或因而借催科以為暴念鎬京之根本戒於
動搖苦震澤之邪萌虞其竊發內安外攘允有
資於壯猷胡猛周寬尚克儕於前烈惟爾長城
之可倚俾朕高枕以無憂為督不忘嗣有顯陟

欽制

誥

初任江西饒州府浮梁縣知縣

二任江西南昌府南梁縣知縣

三任 擬陞 禮部主事

四任 湖廣道監察御史

五任 廣西布政使司右叅議

六任 四川按察司副使

七任河南布政司通州兵備道右叅政

八任 太僕寺添注少卿

九任

今

職

之

寶

制曰國仗价人獨坐高於賜履家宜哲配同心諧
於施禱惟應地以含章宜自天而申命爾總理糧
儲提督軍務兼巡撫應天等府地方都察院右僉
都御史周 妻封淑人郭氏華門毓秀彥士作
述展陔蘭之歡度彼脩灑佐絲絨之儉樂我縞綦
肅局鑰而猷壯北門賦藻蘋而風行南國惟端公
懋爽邦之績知女士襄佐壺之勤茲以覃恩改封

爾為恭人被之祁祁贊在公于夙夜宜爾揖揖
流永譽于箴圖

贈兵部尚書謚介愍周起元祖父母

誥命一道

奉

天承運

皇帝制曰詔爵之階九章而盛疏榮之典三世其崇
惟家以隱德而肇聞孫宜國以恩榮而彰延
祖爾贈通議大夫兵部右侍郎周一陽乃今
贈兵部尚書謚介愍周起元之祖父博物窮
道明體敦彞正學本諸龜山遺規循乎安定

風清首藉力追渾樸之風澤遡淵源爰崇褒
錫之典是用贈爾為資德大夫今兵部尚書
孤松植節有如三徑之高風奕世承恩無忘
九重之異命

制曰胥宇之功必中襄而始大蒸昇之典合先
祖以孔偕惟一德之相承乃奕世而綦顯爾
累贈太淑人郭氏乃今贈兵部尚書諡介愍
周起元之祖母簪佩流輝珩璜協慶淡茹首
藉占鱣象以怡顏靜聽鼓鐘課麟孫以學禮

屹如山嶽矢九死而不回炳若日星凜千秋其
如在茲以覃

恩贈爾為太夫人鸞練增奕式揚祖德之輝鳳誥疏
榮長食孫謀之報

誥命

元年拾壹月

之寶

贈兵部尚書諡介愍周起元父母

誥命一道

奉

天承運

皇帝制曰父教子以忠夙推義方之訓子報父以孝懋膺寵命之崇傳世其昌遡源有自爾贈通議大夫兵部右侍郎周學射乃今贈兵部尚書諡介愍周起元之父器識純備性地端方父師非聖人之冊不以鯉傳德行循先哲之規居然龍種風高節鉞甘為萬姓請命而不辭寵賁綵綸當起九原飲泣而無憾茲以覃恩贈爾為資德大夫

兵部尚書於戲揚名行道長垂竹帛之勲追遠闡幽式衍箕裘之澤

制曰夫貞母之教其子也有獨至焉至於直道難容孤忠顯世雖其子之成尤母功哉爾原贈太淑人洪氏乃今贈兵部尚書諡介愍周起元之母操績致勤執禮惟謹代夫盡孝靜叶鳳吹之聲勗子成名通顯晉烏臺之秩至忤權璫乃盡忠而致命悉藉慈訓甘砥節以終身茲以覃恩贈爾為太夫人十九載之冰霜惟子是誨千百

年之忠義惟母是師用貫夜臺有光寵命
贈兵部尚書諡介愍周起元并妻

誥命一道

闕

